

The logo consists of a red square with the words "NAŠA STRANKA" in white, bold, uppercase letters. "NAŠA" is on the top line and "STRANKA" is on the bottom line.

Politička organizacija građana „Naša stranka“  
Općinski odbor Velika Kladuša  
Adresa: Huske Miljkovića 2  
Telefon: 061 483 217  
E-mail: info@kladusajenasa.org

Bosna i Hercegovina  
Federacija Bosne i Hercegovine  
Unsko-sanski kanton  
Općina Velika Kladuša  
Općinsko vijeće Velika Kladuša  
Ministarstvo obrazovanja, nauke, kulture i sporta USK

## **PREDMET: VIJEĆNIČKO PITANJE**

Poštovani\_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećnička pitanja: **Da li postoji ugovor o najmu školskog igrališta OŠ „25. novembar“ u Velikoj Kladuši? Ko je potpisao takav ugovor i na osnovu čega? Da li Vam je poznato da je ograda oko igrališta a u sklopu dvorišta škole obložena reklamnim banerima na kojima se reklamiraju kafe i nargila barovi te jedan automat klub (kasino)?**

**Objasnenje:** U dvorištu predmetne škole se nalaze dva sportska igrališta, koja su u prošlosti bili na raspolaganju učenicima škole bez ograničenja. U zadnjih nekoliko godina imamo situaciju da je jedno igralište iznajmljeno privatnom licu a drugo je u vrlo lošem stanju. Na igralištu koje je iznajmljeno je postavljena umjetna trava a oko igrališta su postavljene baneri (cerade) s reklamama, uglavnom, pravnih subjekata, od kojih izdvajam reklame od 4 kafe bara, jednog nargila bara, jednog automata kluba (kasina) i jedan koji reklamira energetska pića, a za koje sam mišljenja da se ne trebaju nalaziti u sklopu dvorišta

škole. Pomenuto igralište je zaključano u toku nastave i učenici istom nemaju slobodan pristup. S obzirom da je u školskom dvorištu dozvoljeno parkiranje vozila uposlenika i roditelja učenika, jedno igralište u lošem stanju a drugo iznajmljeno i zaključano nameće se pitanje šta će đaci u nedostatku prostora za igru i zabavu. Jedino što im se u tom trenutku nudi kao odgovor su reklamni baneri sa ograde igrališta.

Škole, školska dvorišta i igrališta su tu zbog đaka i to nikada ne smijemo zaboraviti  
Zbog svega navedenog molim odgovor u pisanoj formi.

Ime i prezime: Zlatko Pajzetović  
Klub vijećnika Naše stranke

Velika Kladuša,  
26.09.2023. godine